



**Inkingi  
Forces Démocratiques Unifiées  
United Democratic Forces**

☎ ++(250) 728636000

✉ Fdu.inkingi.rwa@gmail.com

www.fdu-rwanda.com - www.victoire-ingabire.com

**Kigali – Rwanda**

*"Pour un Etat de Droit, la Démocratie et l'Egalité de chances"; "For the rule of law, democracy and equal opportunity"*

Kigali, kuwa 4 Gashyantare 2014.

**Urukiko rw'ikirenga rukomeje gushyira amananiza mu gutanga  
matolewa y'urubanza rwa Madame Victoire Ingabire Umuhzoza.**

Nk'uko bizwi, Umuyobozi Mukuru wa FDU-Inkingi, Madame Victoire Ingabire Umuhzoza, ufungiye impamvu za politiki kubera kutavuga rumwe n'ubutegetsi bw'igitugu bwa Generali Pahulo Kagame, yakatiwe n'urukiko rw'ikirenga tariki ya **13 Ugushyingo 2013** ahabwa igihano cyo gufungwa imyaka 15. **Iki gihano cy'urukozasoni kikaba kigamije gutera ubwoba umuntu uwo ariwe wese wakwanga kuba inkomamashyi y'ubutegetsi bwa Kigali.**

abantu banyuranye kandi benshi bari bitabiriye isomwa ry'urwo rubanza biyumviye neza umudamu wari ukuriye inteko yaburanishije urwo rubanza, aho yatangaje ko matolewa y'irangizarubanza (copie de jugement) izashyikirizwa ababuranyi **mu ntangiro z'ukwezi kwa mbere, umwaka wa 2014.**

Igitangaje ni uko kuva uyu mwaka watangira, abunganira Madame Victoire Ingabire badasiba ku cyicaro cy'uru rukiko rw'ikirenga, urukiko rufatwa nk'urukuriye izindi mu gihugu, basaba matolewa y'irangizarubanza. Kugeza magingo aya nta gisubizo gifatika bahabwa ku byerekeye impamvu iyo matolewa itaboneka. Bahora bacuragizwa ngo bazagaruke.

Ishyaka FDU-Inkingi ritangiye guterwa impungenge n'iyi myifatire y'urukiko rw'ikirenga yo kwimana nkana matolewa y'irangizarubanza, **ibi bikaba biri kugira ingaruka ku zindi ntambwe zigomba guterwa kandi zikaba zitaterwa hataraboneka iyi matolewa y'irangizarubanza.**

Ishyaka FDU-Inkingi rirasaba rikomeje urukiko rw'ikirenga ko rwatanga iyo matolewa **nta mananiza** nk'uko rwabisezeranje mu gihe urubanza rwasomwaga.

FDU-Inkingi  
Boniface Twagirimana  
Umuyobozi Mukuru wungirije w'agateganyo

---

☎ (+250) 728636000

✉ Fdu.inkingi.rwa@gmail.com

www.fdu-inkingi.org - www.victoire-ingabire.com - **Donation:** <http://www.fdu-rwanda.com/donation>

Join us on **Facebook:** <http://www.facebook.com/pages/Victoire-Ingabire-Umuhoza-for-President/109504816547> -

Watch us on **YouTube:** <http://www.youtube.com/user/FDUIokingi123> - Follow us on **Twitter:**

<http://twitter.com/VictoireUmuhzoza>